

UGOVOR FIZIČKA ZAŠTITA LJUDI I IMOVINE

Zaključen dana 31.01.2020. godine u Sarajevu između:

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, ID broj: 4200556690000, koju zastupa direktor Tarik Smailbegović / u daljem tekstu: **Naručilac usluga/**
- i
2. **“SWORD SECURITY” d.o.o. Sarajevo**, sa sjedištem u Sarajevu, ulica Alipašina 83, ID broj: 4200445860003, kojeg zastupa izvršni direktor Dijana Dalipagić Younis /u daljem tekstu: **Davalac usluga/**

I. Uvodna odredba

Član 1.

Ugovorne strane su saglasne da se ovaj ugovor zaključuje na temelju Odluke o izboru najpovoljnijeg ponuđača za pružanje usluga fizičke zaštite ljudi i imovine Kantonalne javne ustanove Dom za djecu bez roditeljskog staranja, broj: 155-4/20 od 23.01.2020. godine, koja je donesena nakon provedenog konkurentskog zahtjeva za dostavu ponuda.

II. Predmet ugovora

Član 2.

Predmet ugovora je fizička zaštita ljudi i imovine koja podrazumijeva pružanje usluge zaštite u skladu sa Zakonom o agencijama i unutrašnjim službama za zaštitu ljudi i imovine („Službene novine FBiH, 78/08 i 67/13), i u skladu sa ponudom ponuđača nakon provedene e-aukcije, broj 9569/P od 17.01.2020. godine, koja je priložena uz ovaj ugovor i smatra se njegovim sastavnim dijelom.

Fizička zaštita ljudi i imovine podrazumijeva:

- Fizičku zaštitu ljudi i imovine Naručioca usluga svaki dan od 01.02.2020. – 31.12.2020. godine u periodu od 19:00-03:00 sati;
- Spriječavanje otuđenja i uništavanja imovine Naručioca usluga;
- Spriječavanje neovlaštenog pristupa i ulaska lica uštićeni prostor;
- Obilazak i opservacija štiićenog prostora;
- Usluga mobilne intervencije;
- Informisanje nadležne policijske uprave o nezakonitim dešavanjima i eventualno zadržanim počiniocima;
- Ostale poslove koji nisu izričito navedeni u ovom ugovoru, a proizilaze iz prirode ugovora ili Zakona o agencijama i unutrašnjim službama za zaštitu ljudi i imovine.

III. Obaveze Davaoca usluga

Član 3.

Davalac usluga se obavezuje:

- da će rad u skladu sa ovim ugovorom obavljati savjesno, odgovorno, stručno u skladu sa Zakonom o agencijama i unutrašnjim službama za zaštitu ljudi i imovine;
- odgovara za štetu, koju bi počinili njegovi uposlenici nesavjesnim i neodgovornim radom ili radom koji bi bio u suprotnosti sa obavezama iz ovog ugovora;
- da će vršiti redovnu kontrolu uposlenika u smislu ispunjavanja odredbi ovog ugovora i redovno informisati odgovorne osobe Naručioca usluga o svim informacijama bitnim za zaštitu ljudi i imovine Naručioca usluga;
- da će se ponašati u skladu sa Etičkim kodeksom rada sa djecom – štíćenicima Doma KJU Dom za djecu bez roditeljskog staranja, broj: 627/07 od 29.10.2007. godine, koji je prilog ovom Ugovoru, a posebno vodeći računa o članu 7. i 8. Etičkog kodeksa.

IV. Obaveze Naručioca usluga

Član 4.

Naručilac usluga se obavezuje da će redovno informisati Davaoca usluga o svim operativnim informacijama bitnim za pruženje usluga zaštite u skladu sa ovim ugovorom, a posebno:

- promjenu kontakt osobe;
- izmjenu radnog vremena, režima rada;
- promjenu telefonskog broja;
- promjenu pisanih uputstava

V. Cijena i način plaćanja

Član 5.

Davalac usluga se obavezuje da će usluge fizičke zaštite ljudi i imovine Kantonalne javne ustanove Dom za djecu bez roditeljskog staranja izvršiti po stavkama istaknutim u ponudi Pružaoca usluga iz člana 2. ovog ugovora.

Vrijednost ugovora određena je Ponudom Pružaoca usluga i iznosi 6,32 KM (slovima: šest/32 KM) po jednom satu bez uračunatog PDV-a, odnosno 16.950,00 KM (slovima: šesnaesthiljadadevetstotinašesdeset/00 KM) ukupno bez uračunatog PDV-a.

Član 6.

Plaćanje usluga iz člana 1. ovog ugovora, Ugovorni organ će izvršiti putem Trezora Ministarstva finansija Kantona Sarajevo, u zakonom predviđenom roku trezorskog načina plaćanja, računajući od dana izdavanja fakture Davaoca usluga.

VI. Trajanje i prekid ugovora

Član 7.

Ugovor stupa na snagu danom obostranog potpisivanja, a važi od **01.02.2020. – 31.12.2020. godine.**

Član 8.

Naručilac usluga može jednostrano raskinuti ovaj ugovor, ako utvrdi da Pružalac usluga ugovorene obaveze obavlja suprotno preuzetim obavezama iz člana 1. ovog ugovora. U tom slučaju Pružalac usluga je obavezan snositi svu štetu nastalu raskidom ovog ugovora.

VII. Rješavanje sporova

Član 9.

Sporovi koji eventualno nastanu iz ovog ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

VIII. Završne odredbe

Član 10.

Ovaj ugovor sastavljen je u 4 (četiri) istovjetna primjerka, od kojih svaka strana zadržava po 2 (dva) primjerka.

UGOVORNI ORGAN

Kantonalna javna ustanova Dom
za djecu bez roditeljskog staranja


Tarik Smailbegović, direktor


Broj: 231/20

Datum: 31.12.2020. godine



DAVALAC USLUGA SWORD SECURITY D.O.O.




Dijana Dalipagić Younis,
izvršni direktor

Broj: 013310-01/20

Datum: 31. 01. 2020.

